

增脩祁縣志

甲寅

74863

局志 1465

coll 153

39

辛巳 10-10

祁縣志序

郡邑之有志所以攷疆域稽田
賦著風俗之隆替辨產植之異
同以及閭閻丁口庠序科名莫
不分別部居詳晰而縷載焉俾
守土者觸目驚心因是以斟酌

序

一

損益鑒古衡今按時勢以求治
理蓋其所闕乎政治之原非淺
鮮矣晉中通志待修已久郡邑
亦殘廢鮮完書歲丁丑

宮保伯曾公來撫此邦毅然有
倏輯之舉目檄下郡邑剋期舉

事復於會城設通志局以董其
成令既下諸君子奉命不遑二
三季來漸有竣事者而祁縣尹
祝君汝霖目以所俟祁志郵寄
於余且索一言以弁其首余閱
其書分門別類綱舉條分所為

序

二

一邑之山川賦役風土人情歷
代沿革之異同今管民俗之隆
替與夫忠孝節義之佚聞名宦
鄉賢之遺範文人逸士流風餘
韻之所存罔不博採旁搜編列
靡失使為治者目而攷證古今

稽合同異以求乎治化之當然
其庶幾闕卷而得要領焉則補
輯之功非賢令尹是賴而誰賴
乎比者豐年屢慶民俗順成全
晉侯志者且將各有成書行見
一邑成即一郡成而通志即回

序

三

之以成亦一時之盛也慨自庚
辰之烱曾公奉

召出師東防旋即移疾歸里雖不得
拭目以覩其成功抑知其畢然
而高望者固未嘗一日忘之耶
余是以欣祁志之成而樂為序

之云

光緒八年夏五月中議大夫鹽
運使銜署山西冀甯道知太原
府事楚南左雋撰



序

四

續修祁縣志序

光緒四年歲在戊寅余奉

簡命承乏斯邑簿書少暇擷繙舊

志始知創自前明踵修已非一

次顧其所志皆在乾隆四十年

前而此後闕如竊思百年之中

序

一

不增一字則過此以往未之或

知後之人雖欲得其髣髴也其

孰從而求之自是每一流覽輒

作修輯想而蹉跎歲月有志未

逮踰年己卯會

爵撫曾公疏

請纂修山西通志暨各府州縣志
奉

旨允行是歲夏五承

憲札飭修邑乘竊幸適符私願爰
邀李子揚清商辦一切揚清官
教諭時與修浮山縣志余稔其

序

二

為過來人也不得以此事推
袁並邀喬員外有三何比部小
如李孝廉栗亭總理志局而採
訪校錄諸役則有高才生四人
在又慮耳目之不能遍及也為
製循環二簿徧給城鄉俾紳衿

者舊皆得就近窮搜凡有可傳
之事之人即填簿送局以期網
羅舊聞庶存十一於千百每一
簿至呈余擇定諸局紳徐議其
後可則增修入志否即舍旃故
雖一人秉筆不啻衆人合撰脫

序

三

稿後時時從予商榷予荒筆硯
久矣豈復能贊一辭既予以親
老告歸未遑卒業而子健魏君
適至君以刺史權祁篆且自太
原來已成太原志將所謂過來
人者又不獨揚清一人已也相

與聿觀厥成匡予不及則庖丁之解牛輪扁之斲輪王良造父之駕輕車而就熟路也能不勝任愉快也哉事將竣丐序於予予喜其綜名核實據事直書用以發潛德之幽光備一邑之掌

序

四

故皆於此志乎是賴其善善從長有裨於人心風俗者又將繼往哲而昭茲來許也予不敏忝與圖始為之略書梗概以寄鴻泥之慨云

光緒七年辛巳同知銜知祁縣

事變丞劉發岢撰



序

五

續修祁縣志序

昔蘭臺班氏有言自古書契之作而有史官其載籍博矣及孔子因魯史記而作春秋左邱明論輯其本事以爲之傳又纂異同爲國語春秋之後又有戰國策楚漢春秋司馬氏采經摭傳論次其文接撰後事故繼世之

序

主莫不祖述踵武各記其因革損益以成一代之史第寰宇之大衆庶之盛史難悉載以是又有郡邑之志各采輯一郡一邑之事以記載之述其境內之輿地疆域創設建置風俗吏治人物典禮與夫山川名勝閭井賦役物產食貨之類靡不詳備據事直

書樸而不藻質而不俚疎而不漏嚴
而有恕包賅今古無善不錄中寓勸
懲非徒補史乘之缺略而已實有裨
於世教人心也夫祁爲晉賢大夫祁
奚食采之地而邑因以爲名代多偉
人王溫之族賢才輩出與涑水裴氏
相頡頏而祁之志自乾隆四十三年
序

二

楚南陳君時綰符於斯續加修葺迄
於今百有餘載矣此百餘載中之事
蹟文獻缺如毋以攷徵迨光緒丁丑
曾爵憲奉

命撫晉適值晉南大饑人相食

曾憲哀疏入告

朝廷發帑撥漕賑濟災黎毗壤之省救災

恤隣輸資以贍晉饑各直省聞之亦
爭捐銀米踴躍接濟故能集腋之巨
活人之多至己卯而歲事轉豐以辦
理善後餘資修舉廢墜大興文教設
立書局於并垣覓高手匠工刊刷經
史委候補守令分司校對俾無錯訛
又以大禋之後流徙未復戶口消耗
老荒地畝糧賦

序

三

奏蠲今昔殊情晉省統志久未增修其
間政事文章有關吏治風教者誠虞
湮沒於是訪延極聞洽物涉獵廣博
之士采輯纂修其舊志或有抵牾者
悉爲糾正並檄各府州縣一律修補
前令劉魏諸君延集邑之紳儒博諮

旁搜補拾缺遺又聘李君揚清撰著其稿惟是年久失修乾嘉間事蹟而耆老皆無在者渺遠難稽茲錄其信而有徵會萃若干條次第纂入諸篇之內凡涉附會不根無徵難信者闕之余忝宰斯土躬襄其盛事竣授梓爰序其顛末如此

序

四

光緒八年夏五月奉直大夫同知銜知祁縣事宛平胡德脩撰



新脩祁縣志序

志者記也記一方之可記而不可不記者也志以記至可記而至不可不記則可以不記不可以不記者不可得而記者皆無容於志矣新志者然脩志者何歎不

序

一

然昭餘祁古無志也予之自前明始由明迄今中歷二百年有餘歲惟康熙間一脩乾隆間再脩嗣後百年未增一字而顧以今日之見聞遠徵疇昔之文志志之可記者不可不記者舉

而附之舊志之後亦要之乎至
難之矣雖多良有司咨訪於
前邑人士披羅於後至如傳聞
異辭無激石任何即或聽以芳
躅去今未遠而縹名核實不過
存十一於千百將誰謂可以不

序

二

記不可以記者或反然錯出也
則至難而又至慎矣光緒己卯
邑侯劉燮丞函備邑乘且曰予
昔與備浮山志是所過來人
也至為彖備祁志毋辭如是者
再予再辭有夏六月公忽枉駕教

唐聖中前約不實三辭是用感
媿員勉從事開局以來日有回
事訪公繕閱舊志商榷新聞
每夕一人一事一藝一文或由
鄉之報或由紳士採訪極呈
台鑒宜可查可則據事直書

序

三

依類增入否即舍旃脫稿後仍呈
官紳審訂然後鈔存待刊如予
雖日筆札而主持一切大局則
自有官在任予之所取者否稿
粗定報呈 憲正猥蒙許可倘
唯開雕乃台手民仔付剞劂